

შპს „Goderdzi resorts“-ის ბალანსზე რიცხული ავტოსატრანსპორტო
საშუალებების ტექნიკური მომსახურების (სათადარიგო
ნაწილების ჩათვლით) სახელმწიფო შესყიდვის
გამარტივებული ელექტრონული ტენდერის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“
საქართველოს კანონის 12¹ მუხლის, „გამარტივებული შესყიდვის, გამარტივებული
ელექტრონული ტენდერისა და ელექტრონული ტენდერის ჩატარების წესის დამტკიცების
შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9
ბრძანების საფუძველზე

სარჩევი

1. ტექნიკური დოკუმენტაცია.....	3
2. სახელმწიფო შესყიდვის შესახებ ხელშეკრულების პროექტი	4
2. დანართი N1 – გასაწევი მომსახურების ხარჯთაღრიცხვა	12
3. დანართი N2 – პრეტენდენტის მიერ წარმოსადგენი რეკვიზიტების ჩამონათვალი	13

ტექნიკური დოკუმენტაცია

1. შესყიდვის ობიექტი

შპს „Goderdzi resorts“-ის ბალანსზე რიცხული ავტოსატრანსპორტო საშუალებების ტექნიკური მომსახურება (სათადარიგო ნაწილების ჩათვლით):

ა) მიცუბიში პაჯერო - ყველგანმავალი, ოთხკარიანი, 1993 წლის გამოშვება, საწვავის ტიპი - დიზელი;

ა) მიცუბიში პაჯერო - ყველგანმავალი, ორკარიანი, 1995 წლის გამოშვება, საწვავის ტიპი - ბენზინი;

გ) მიცუბიში L200 - პიკაპი, ოთხკარიანი, 2011 წლის გამოშვება, საწვავის ტიპი - დიზელი.

2. როგორც იურიდიული პირის, ასევე ფიზიკური პირის მიერ წარმოდგენილი სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

ა) გასაწევი მომსახურების ხარჯთაღრიცხვა დანართის შესაბამისად (დანართი N1).

შესყიდვის ობიექტის საერთო და ერთეულის ფასი უნდა მოიცავდეს მომსახურების გაწევასთან დაკავშირებულ პრეტენდენტის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს.

მომსახურების გაწევის სავალდებულო ვადაა ავტომანქან(ებ)ის მიმწოდებლის კუთვნილ სერვისცენტრში მიყვანის დღიდან 15 კალენდარული დღე.

ბ) რეკვიზიტები - დანართი #2-ის მიხედვით;

გ) ინფორმაცია პრეტენდენტის კუთვნილი (საქართველოს მასშტაბით) ტექნიკური მომსახურების სერვისცენტრების (სახელოსნოები) ქსელის შესახებ სერვისცენტრების ადგილმდებარეობის მისამართების მითითებით. პრეტენდენტს ქალაქ ბათუმის ადმინისტრაციულ ტერიტორიაზე უნდა გააჩნდეს მინიმუმ ერთი ტექნიკური მომსახურების სერვისცენტრი (სახელოსნო).

3. შესყიდვის ობიექტის აღწერილობა და ჩამონათვალი იხილეთ გასაწევი მომსახურების ხარჯთაღრიცხვაში - დანართი #1.

4. ანგარიშსწორების პირობები

4.1. ანგარიშსწორება მოხდება უნაღდო ანგარიშსწორებით ლარში.

4.2. წინასწარი ანგარიშსწორება არ გამოიყენება.

5. ტექნიკური დოკუმენტაციის მე-2 პუნქტით გათვალისწინებული დოკუმენტაცია და ინფორმაცია უნდა აიტვირთოს სახელმწიფო შესყიდვების ერთიან ელექტრონულ სისტემაში.

6. შესყიდვის განხორციელებასთან დაკავშირებული სხვა პირობები განსაზღვრულია სახელმწიფო შესყიდვის შესახებ ხელშეკრულების პროექტით.

7. დამატებითი ინფორმაცია დაინტერესებულ პირებს შეუძლიათ მიიღონ შემდეგი პირისგან მალხაზ მახარაძე, სატენდერო კომისიის აპარატის წევრი; ტ.599-92-29-00. მისამართი: ქალაქი ბათუმი კომახიდის ქ.N119, მე-5 სართული, კაბინეტი N2.

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

ხელშეკრულება სახელმწიფო შესყიდვის შესახებ N

ქალაქი ბათუმი

2013 წელი

ერთის მხრივ შპს „Goderdzi Resorts“-ი (შემდგომში „შემსყიდველი“), წარმოდგენილი დირექტორის ჯემალ ბოლქვაძის სახით და მეორეს მხრივ „-----“ (შემდგომში „მიმწოდებელი“), წარმოდგენილი ----- სახით, „სახელმწიფო შესყიდვების შესახებ“ საქართველოს კანონის და (პრეტენდენტის დასახელება) სატენდერო წინადადების საფუძველზე, შემსყიდველის მიერ ჩატარებული გამარტივებული ელექტრონული ტენდერის (სატენდერო განცხადების ნომერი: კლასიფიკატორის (CPV) კოდი -) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების საერთო ღირებულება“ – ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ – ორგანიზაცია, რომელიც ახორციელებს შესყიდვას;
- 1.4. „მიმწოდებელი“ – პირი, რომელიც ახორციელებს სამუშაოს შესრულებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ – კალენდარული დღე, კვირა, თვე;
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „გასაწევი მომსახურების ხარჯთაღრიცხვა“ – მიმწოდებლის მიერ გამარტივებული ელექტრონული ტენდერის ფარგლებში წარმოდგენილი „გასაწევი მომსახურების ხარჯთაღრიცხვა“ რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ხელშეკრულების საგანი

2.1. შპს „Goderdzi resorts“-ის ბალანსზე რიცხული ავტოსატრანსპორტო საშუალებების ტექნიკური მომსახურების (სათადარიგო ნაწილების ჩათვლით) სახელმწიფო შესყიდვა (CPV: ---):

- ა) მიცუბიში პაჯერო - ყველგანმავალი, ოთხკარიანი, 1993 წლის გამოშვება, საწვავის ტიპი - დიზელი;
- ა) მიცუბიში პაჯერო - ყველგანმავალი, ორკარიანი, 1995 წლის გამოშვება, საწვავის ტიპი - ბენზინი.

3. ხელშეკრულების ღირებულება

- 3.1. ხელშეკრულების ღირებულება შეადგენს ---- (-----) ლარს.
- 3.2. ცალკეული ობიექტების ღირებულება განსაზღვრულია გასაწევი მომსახურების ხარჯთაღრიცხვით.
- 3.3. ხელშეკრულების ღირებულებამოიცავს ხელშეკრულებით გათვალისწინებული მომსახურების ხელშეკრულებით განსაზღვრული პირობებით გაწევასთან დაკავშირებულ მიმწოდებლის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. ანგარიშსწორების ფორმა და პირობები

- 4.1. ანგარიშსწორება მოხდება უნაღდო ანგარიშსწორებით ლარში.
- 4.2. წინასწარი ანგარიშსწორება არ გამოიყენება.

4.3. შემსყიდველი იღებს ვალდებულებას აუნაზღაუროს მიმწოდებელს გაწეული მომსახურების ღირებულება ხელშეკრულების მე-5 მუხლით განსაზღვრული წესით შედგენილი მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 15 დღის ვადაში.

5. მომსახურების მიღება-ჩაბარების წესი

5.1. მომსახურების მიღება-ჩაბარებას ახორციელებენ სათანადოდ უფლებამოსილი პირები.

5.2. შემსყიდველის მხრიდან მომსახურების მიღება-ჩაბარებაზე უფლებამოსილი წარმომადგენლებია ხელშეკრულების შესრულების კონტროლის განმახორციელებელი პირები.

5.3. გაწეული მომსახურების შესახებ მხარეებს შორის ფორმდება მიღება-ჩაბარების აქტი, რომელიც უნდა შეიცავდეს შემდეგ ინფორმაციას:

ა) ინფორმაცია მიღება-ჩაბარების აქტის შემდგენი მხარეების წარმომადგენლების შესახებ;

ბ) მიღება-ჩაბარების აქტის შედგენის თარიღი;

გ) მომსახურების გაწევის პერიოდი;

დ) გაწეული მომსახურების შინაარსი;

ე) გაწეული მომსახურების ღირებულება.

5.4. შემსყიდველი ვალდებულია ოპერატიულად (წერილობითი ან ზეპირი სახით) აცნობოს მიმწოდებელს დაწუნებული მომსახურების ნაწილის (ექაპის) და წუნდების მიზეზის მითითებით.

6. მომსახურების გაწევის წესი, ადგილი და ვადა

6.1. გასაწევი მომსახურების ხარჯთაღრიცხვით მომსახურებისათვის განსაზღვრული ვადის ათვლის დღედ ითვლება შემსყიდველის მიერ ავტომანქანის მიმწოდებლის კუთვნილ სერვისცენტრში მიყვანის დღე.

6.2. ავტომანქანების ტექნიკური მომსახურება გულისხმობს გასაწევი მომსახურების ხარჯთაღრიცხვით განსაზღვრული მომსახურების გაწევისათვის შესასრულებელ ყველა სახის სამუშაოს ავტომანქანის შეუფერხებელი ფუნქციონირების უზრუნველყოფის თვალსაზრისით.

6.3. მიმწოდებელი იღებს ვალდებულებას მომსახურების გაწევის პროცესში გამოიყენოს ახალი (ქარხნული წარმოების) სათადარიგო ნაწილები, გარდა, გასაწევი მომსახურების ხარჯთაღრიცხვაში მითითებული გამონაკლისებისა. სათადარიგო ნაწილების ფასი შედის მომსახურების ღირებულებაში.

6.4. მომსახურების გაწევის ადგილია მიმწოდებლის საკუთრებაში არსებული ტექნიკური მომსახურების სერვისცენტრ(ებ)ი.

6.5. მომსახურების გაწევის ვადაა შემსყიდველის მიერ ავტომანქანის მიმწოდებლის კუთვნილ სერვისცენტრში მიყვანის დღიდან 15 კალენდარული დღე.

7. მხარეთა უფლება-მოვალეობანი

7.1. შემსყიდველს უფლება აქვს შეამოწმოს გაწეული მომსახურება წინამდებარე ხელშეკრულებით გათვალისწინებულ პირობებთან მიმართებაში.

7.2. შემსყიდველი ვალდებულია:

7.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული ვადებისა და პირობების შესაბამისად;

7.2.2. უზრუნველყოს მომსახურების მიღება ამ ხელშეკრულებით დადგენილი პირობების გათვალისწინებით.

7.3. მიმწოდებელს უფლება აქვს მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების გათვალისწინებით.

7.4. მიმწოდებელი ვალდებულია:

7.4.1. დაიცვას ხელშეკრულებით გათვალისწინებული ყველა პირობა;

7.4.2. შეასრულოს ხელშეკრულებით აღებული ვალდებულებები სათანადო ხარისხითა და აუცილებელი მოცულობით, იმ ვადაში, რომელიც მითითებულია ხელშეკრულებაში;

7.4.3. საკუთარი სახსრებით აღმოფხვრას აღმოჩენილი ხარვეზი.

8. ხელშეკრულებით ნაკისრი ვალდებულებების შესრულების კონტროლი

8.1. ხელშეკრულების შესრულების კონტროლს განახორციელებს შემსყიდველი ორგანიზაციის მიერ განსაზღვრული პირთა ჯგუფი. რომელთა შემადგენლობას შემსყიდველი მიმწოდებელს აცნობებს წინასწარ.

8.2. კონტროლი გულისხმობს მიმწოდებლის მიერ ხელშეკრულების პირობების შესრულების მიმდინარეობის კონტროლს.

8.3. გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. მიმწოდებელს 6.2. პუნქტით განსაზღვრული ვალდებულების შეუსრულებლობის შემთხვევაში დაეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,1%-ის ოდენობით.

9.2. მიმწოდებელი ვალდებულია დარიცხული პირგასამტეხლოს თანხა პირგასამტეხლოს დარიცხვის შესახებ შეტყობინების მიღებიდან 10 დღის ვადაში ჩარიცხოს შეტყობინებაში მითითებულ საბანკო ანგარიშზე და შემსყიდველს წარუდგინოს აღნიშნულის დამადასტურებელი დოკუმენტი.

9.3. პირგასამტეხლოს გადახდა არ ათავისუფლებს მიმწოდებელს განსაზღვრული ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.4. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. ხელშეკრულების შეწყვეტა

11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს ხელშეკრულებით ნაკისრი ვალდებულებები;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში.

11.2. ხელშეკრულების 11.1 მუხლში მითითებულ შემთხვევებში შემსყიდველი ვალდებულია მიმწოდებელს აუნაზღაუროს ფაქტიურად გაწეული მომსახურების ღირებულება.

11.3. შემსყიდველი ვალდებულია არანაკლებ 5 დღით ადრე წერილობით აცნობოს მიმწოდებელს 11.1. მუხლით გათვალისწინებული გადაწყვეტილების მიღების განზრახვის თაობაზე.

11.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად შეწყვიტოს ხელშეკრულება, მოქმედი კანონმდებლობით დადგენილი წესითა და პირობებით.

11.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. დაუძლეველი ძალა

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

12.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა

ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

12.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს ორი სამუშაო დღის ვადაში წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

12.4. 12.3. მუხლით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

12.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

12.6. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

14. გარანტია

14.1. მიმწოდებელი მიერ გაწეული მომსახურება იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.

14.2. მიმწოდებლის მიერ ხელშეკრულებით განსაზღვრული მომსახურების ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს ხელშეკრულებით განსაზღვრულ პირობებს და საქართველოში არსებულ წესებსა და ნორმებს.

14.3. 14.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

14.4. მიმწოდებელი ვალდებულია 5.4. პუნქტით განსაზღვრული შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

14.5. მიმწოდებლის მიერ 14.4. პუნქტით განსაზღვრული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს ხარჯების ანაზღაურება, ან ეს თანხა გამოქვითოს ხელშეკრულების მიხედვით მიმწოდებლისათვის გადასახდელი თანხიდან.

15. სხვა პირობები

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15.5. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის

ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

15.6. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცვლდება მხარეთა შორის შესრულდება ქართულ ენაზე.

15.7. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მხარეებთან.

16. ხელშეკრულების მოქმედების ვადა

16.1. ხელშეკრულებადალაში შედის ხელშეკრულების თავში მითითებული თარიღიდან და მოქმედებს 2013 წლის 31 დეკემბარმდე.

16.2. ხელშეკრულებით ნაკისრი ვალდებულებების შესრულების მოთხოვნის უფლება ძალაში რჩება ხელშეკრულების მოქმედების ვადის გასვლის შემდეგაც.

17. მხარეთა რეკვიზიტები

<u>„შემსყიდველი“</u>	<u>„მიმწოდებელი“</u>
შპს “Goderdzi Resorts”	
ტელ: (577) 53 50 53; (599) 0201 82	ტელ:
მისამართი: ქ. ბათუმი, მ. კომახიძის ქუჩა N119	მისამართი:
საბანკო რეკვიზიტები:	საბანკო რეკვიზიტები:
სს თიბისი ბანკი	
ბანკის კოდი – TBCBGE22	
ა/ნ – GE12TB7015036080100001	
საიდენტიფიკაციო კოდი - 245 629 388	
დირექტორი	
_____ /ჯემალ ბოლქვაძე/ ბ. ა.	

გასაწევი მომსახურების ხარჯთაღრიცხვა

(პრეტენდენტის დასახელება)

(შევსების თარიღი)

მიცუბიში პაჯერო - ყველგანმავალი, ოთხკარიანი, 1993 წლის გამოშვება,
საწვავის ტიპი - დიზელი (2500 სმ³), სახელმწიფო ნომერი SGG-919

#	დასახელება	ზომის ერთეული	რაოდენობა	სათადარიგო ნაწილის ღირებულება		ტექნიკური მომსახურების ღირებულება		სულ ჯამური ღირებულება
				ერთეული	სულ	ერთეული	სულ	
1	წინა სამუხრუჭე ხუნდები	კომპ-ტი	1					
2	უკანა სამუხრუჭე ხუნდები	კომპ-ტი	1					
3	წინა ამორტიზატორი	ცალი	1					
4	უკანა ამორტიზატორი	ცალი	1					
5	შარნირის რეზინა	ცალი	4					
6	რეაქტიულის რეზინები	ცალი	8					
7	ანტიფრიზი	ლიტრი	4					
8	კარების ანჯამები (მეორადი)	ცალი	4					
9	სავალი ნაწილების შეზეთვა	ცალი	1					
ჯამი								

პრეტენდენტის ხელმოწერა _____

ბ.ა.

გასაწევი მომსახურების ხარჯთაღრიცხვა

(პრეტენდენტის დასახელება)

(შევსების თარიღი)

მიცვლილი პაჟერო - ყველგანმავალი, ორკარიანი, 1995 წლის გამოშვება,
საწვავის ტიპი - ბენზინი (3000 სმ³), სახელმწიფო ნომერი SGG-225

#	დასახელება	ზომის ერთეული	რაოდენობა	სათადარიგო ნაწილის ღირებულება		ტექნიკური მომსახურების ღირებულება		სულ ჯამური ღირებულება
				ერთეული	სულ	ერთეული	სულ	
1	წინა მარჯვენა შარავი	ცალი	1					
2	წინა მარჯვენა შარავი	ცალი	1					
3	წინა სამუხრუჭე ხუნდები	კომპ- ტი	1					
4	უკანა ხიდის ჯვარედინა	ცალი	1					
5	უკანა სავარძელი (მეორადი)	კომპ- ტი	1					
6	სალონის ნოხი (მეორადი)	ცალი	1					
7	მოტორის ზეთი	ლიტრი	5					
8	ანტიფრიზი	ლიტრი	4					
9	სავალი ნაწილების შეზეთვა	ცალი	1					
ჯამი								

პრეტენდენტის ხელმოწერა _____

ბ.ა.

პრეტენდენტის რეკვიზიტები

სამართლებრივი ფორმა:

საფირმო სახელწოდება:

იურიდიული მისამართი:

ფაქტობრივი მისამართი:

საიდენტიფიკაციო კოდი:

ელექტრონული ფოსტის მისამართი:

ტელეფონის ნომერი:

მომსახურე ბანკის დასახელება:

მომსახურე ბანკის მფო:

ანგარიშსწორების ანგარიშის ნომერი:

ხელმძღვანელობაზე უფლებამოსილი პირი
(სახელი და გვარი)

ხელმძღვანელობაზე უფლებამოსილი პირის
მობილური ტელეფონის ნომერი:

პრეტენდენტის ხელმოწერა _____

ბ.ა.

თარიღი _____